

Jascara oinšhon nononbaonqui jato betan raenanai mananšhahue yoia iqui: --Chaiconí --acá iqui-- noara nato ianshocotonin moa jati atipanyamaque --aquin acana iqui.

Jatian mananšhahuen jato yoia iqui: --¿Jahue-quescatiqui mato jatima iqui? --aquin.

Jatian huetsan yoia iqui: --Noa neno ii iiti icašhbira, noa nomin reteti iqui; ja copira noa rama huetsa iaman caai --aquin yoia iqui. Jascá-aquin yoiacana mananšhahue quiquinbiressibi rateta iqui; nomin reteti shinanašh.

Jatian jato yoia iqui: --¿Jahueatingui maton ea potacasai? Eara rama mato betan caai --aquin jato acá iqui.

Jascataitian huetsa nonoman yoia iqui: --Mia nobé cati icašhbira mia noyayosma iqui --aquin.

Jascataibi huetsan yoia iqui: --Teema riqui ja nobé cati --aquin acá iqui.

Jascáa, huetsan yocata iqui: --¿Jahuequestašh-qui cati iqui noyayosma icašh? --aquin acá iqui.

Jatian yoia iqui: --Jihui benahue; merašhonra min beai. Min bequetianra noa oquen becon natešh-beconai. Jatianra mananšhahue naponbeconshaman natešhašh caai --aquin acá iqui. Jascatai ninca-tašh, mananšhahue quiquinbiressi benea iqui, jaconhiraquin huetsa nonoman shinanquetian.

--Iconraque. Ea jascáashon bocanhue. Jatian-ra earibi nomin retetima iqui --aquin jato yoia iqui; jato betan noyacasquin. Quiquinbiressi mananšhahue queena iqui, noyatinin; jahuetianbi noyayosma icašh. "Jahuequescarin noa noyaa," išhon onancasi.

Jatian huetsa nonoman yoia iqui: --Non boára mia yoyo itima iqui. Jainšhon min osantima iqui. Ja mia non yoia jahuéquiibo senenhayamaašhšha mia paquetašh nocótima iqui; noa caainco --aquin yoia iqui.

Jatian mananšhahuen jato yoiribia iqui: --Eara itima iqui. Enra maton yoiabo mato senenašhonti iqui --aquin jato acá iqui. Jascáashon jihui merašhon tanáquiincana iqui. Tanataqui jacon icá iqui, jahuequescamabi. Jascatašh bocana iqui noyai. Jatian mananšhahuen, jahuetianbi noyayosma išhon oinna jaconyora icá iqui. Jato jahuéquiibo yoibocasabi itan benequin, osancasquinbi onsan tenea iqui, paquénaquetian.

Jascatašh moa ochó noyacana icá iqui; moa jain bocanai ianman nocóti ochóma. Jatian ja ian ochóma icá iqui, huestíora šhobo. Ja šhobo bebon baquebo tsinii icana iqui. Tsini tsiniquinbi, huetsa baquen meraa iqui, nononbo huinotai. Huinotaitian oina icá iqui, huestíora mananšhahue jato betan. Jatian ja baquen, jabé baquebo, yoia

--Icašhbira mia jiquiti atipanque, cocá
--aquin yoia iqui, yahuishen.

--¿Jahuequescatašhqui ea itiqui, piacá?
--icá iqui, inon.

Jatian yoia iqui: --Ihué itibiresiqui,
huestíora macan benatanhuen --acá iqui ino.

Jatian ino picashora icašh caa iqui ishton
macan benai. Jatian yahuishbiribi caa iqui nishi
benai. Cašhon, beá iqui inon, huestíora macan,
yahuishanribi beá iqui nishi. --Nato riqui,
piacá. Enra moa beque macan --aquin yoia iqui.

Jatian yahuishan macan nešhaa iqui nishin.
Jascáašhon: --Neri johué, cocá --acá iqui.

Joquetian tenešha iqui; ašhon yoia iqui:
--Bitanhuen. Ramara mia chichó jiquiti jacon iqui
--aquin. Jatian caa iqui ino jenenco. Cašhon,
nemin ronáa iqui. Jainoašh joríbacasabi joticoma
icá iqui. Meeresquin nishi tesaašh picota iqui,
moa joinman reteibishoco. Picóšhon, jahuen piá
benaabi yama icá iqui, moa jabata, pinaquetian.

Jatian ino sinata iqui; sinášhon chibana iqui
ja caa bainbi, jahuen itsa šhetešhon. Cašhon,
nocoa iqui huestíora quini meranoa. Cašhon
jinaquishoco yatana iqui moa jabati caainbi.

--Minra ea paranšhon mahuámaqueanque; ramara
en mia piaí --aquin yoia iqui, inon.

Cašhonqui, huetsa merašhonqui yocáribinique:
--Mancó, ¿nenogui shinobo jahuetian boibata?
--aquín acá aquí.

--Nenora baquish boíbaque, --aquín. Jabiqui
mananšhahue caressa aquí.

Cašhonqui, huetsa yocáribinique: --Mancó,
¿jahuetianqui neno shino boíbata? --aquín.

--Ramabira huinóbainque. Ramabishocora min
nocoli caai --aquíanique joninqui mananšhahue.

Jatianqui jonin jascáa caquinbi ronqui, shino
boaíqui mananšhahuen noconique; Šha ibotanai.
Jatianqui sotameešhonqui mananšhahuen oinique;
oinabiqui shinobo jamabores inique. Orishoco
cašhon oinaqui jan aní shino inique. Ja onanšhon-
qui mananšhahue anique shino: --Ishtompari johué,
shinó, noa yoyo inon --aquín acá aquí. Quenašhon
ronqui mananšhahuen ishtonribi caocho benanique.
Benaquinqui mananšhahuen ishtonribi caocho merani-
que. Jatianqui, jošho shinoqui paquéinique.
Paquéšhonqui anique: --¿Jahuerin, mananšshahué?
--aquín acá aquí.

Jascášhonqui anique jošho shinoqui mananšsha-
huen queenaquín. --Caocho timanon ahué, jošho
shinó --aquíanique mananšhahuen. Jascášhonqui
mananšshahuenqui anique: --Empari abánon --aquiani-
que.